

Mbete kí njèkungì mutə kí
Ja
 ndàngì

Ta-je kí dɔ Mbete-tì kí njèkungì mutə kí Ja ndàngì

Njèkɔwkulə Ja ndàngì mbete kin kɔɔ kulə-né dingəm mɛɛ dingəm-tì kí ri-é lə Gayusi. Mbete kinlé, ɛ ya to mbete kí ɔɔjì itə mbete-je lay kí mɛɛ Mbete-tì lə Lubə. Mɛɛ mbete-tì kí nè Kinlé Ja pa ta kí sɔbì dɔ ta kí tɔgrɔ-tì kì ndignə titì kí ɛ pa-né mɛɛ mbete-je-tì kí joo lé tɔ. Mɛɛ mbete-tì kí nè kinlé Ja pa ta ɔsi-né kagi dɔ njéndó dow-je né-je-tì kí ngɔm al, ngà ɛ pa ta ɔsi-né kagi dɔ dow-tì kí panjiyə majì al. Lo tum gin ndàngì mbete-tì lé, njèndàngì-é tɔjì rɔ-é kì «'ngatɔgì.» Dow kí káre kin ya ndàngì mbete Poyta kí Majì kí ri Ja tò dɔ-tì b́á ɛ ndàngì mbete lə Ja kí 1, 2, 3 rəm, ndàngì mbete Né-je kí 'tɛɛ dɔ-é ('Ndó ta-je kí dɔ mbete-tì kí dɔsəy kí Ja ndàngì). Ja tum gin tɔjì rɔnəl liə kɔɔ Gayusi kí isi mɛɛ néra-tì kí tɔgrɔ-tì. Ɛ pa ta dɔ ndigì-tì kí tò mɛɛ Gayusi-tì kí ɛ tɔjì loki uwə-né mba-je kí njèkɔw kilə mbɛ Poyta kí Majì lə Kristì kì rɔ-é-tì. Ngà Diotrepì, dingəm káre kí dan njékəwnə-je-tì kí Gayusi isi ɔr nɔ̀-ɔ́-dé rəmə, ɛ ra bin al. Ɛ mbati kuwə ngannjékullə-je lə Kristì rɔ-é-tì rəm, b́á ɔgì dow-je kí rangì kadi d'uwə-dé kì rɔ-dé-tì rəm, ɛ ɔsi ta Ja rəm tɔ. Go ta-tì kí Ja pa dɔ kullə ra Diotrepì-tì kí majì al lé, ɛ pa ta dɔ kullə ra Démétriyusi-tì kí majì tɔ. Ta kí Ja idə Gayusi lé, ɛ idə-é kadi ndajì panjiyə kí majal kin al, ngà kadi ndajì panjiyə kí majì ('Ndó 11).

Tɔjì rɔ kì lapiya kí ra

¹ †Ma 'ngatóggi m'ndànggi mbete kin m'adi-i i Gayusi kí m'ində-i dan kə̃m-m-ti m̃ẽe ta-ti kí tɔgrɔ-ti. ² Ngonkɔ-m kí m'ində-i dan kə̃m-m-ti, m'ndigi kad̃i ɔw ki kete-kete m̃ẽe né-je-ti lay ə kad̃i rɔ-i tò k̃i lapiya titi kí ndil-i tò-né k̃i lapiya kare kin bè tɔ.

Kullə ra kí njururu lə Gayusi

Mat 10:40-42

³ Loki ngankɔ-ji-je kí njékadm̃ẽe d'i nu 'ree, 'pa ta lə ta kí tɔgrɔ-ti kí tò m̃ẽe-i-ti rəm, b̃á njiyə kí i njiyə m̃ẽe-é-ti rəm kinlé, rɔ-m nəl-m ña. ⁴ Rɔnəl lə-m kí ña lé, to koo kí m'oo 'panè ngan-m-je 'njiyə m̃ẽe ta-ti kí tɔgrɔ-ti.

⁵ I kí m'ində-i dan kə̃m-m-ti, i to njera né k̃i kadm̃ẽe adi ngankɔ-ji-je kí njékadm̃ẽe kí 'to mba-je kàrè, i 'ra sə-dé maji. ⁶ Ta lə ndigi kí i 'ndigi dow-je lé, d̃e 'pa ta-é rəsi ñə njékəwña-je-ti. Kɔw mba lə-dé kàrè maji kad̃i i 'ra sə-dé dɔ-ti asi gangi-é-ti kí à nəl Lubə rəm tɔ. ⁷ Kdɔ d̃e d'ɔw kdɔ ta kí sobi dɔ 'Babe ə 'taa né ji njékadm̃ẽe al-je-ti al. ⁸ Adi dow-je kí bè kinlé b̃á tò kad̃i j'uwəi-dé kí rɔ-ji-ti, kdɔ kad̃i j'toi njera sə-dé kullə nati sobi dɔ ta kí tɔgrɔ-ti.

Kullə ra kí majal lə Diotrɛpi k̃i kullə ra kí njururu lə Démétriyusi

1Kɔ 4:18-21

⁹ M'ndànggi mbete s̃e m'adi njékəwña-je; ngà Diotrɛpi kí b̃o to kí 'boy ngay dan-dé-ti ra-é kinlé uwə-ji ki rɔ-é-ti al. ¹⁰ Beba loki m'a t̃ẽe rɔ-si-ti ñɔɔ rəmə, m'a pa ta rəsi dɔ kullə ra-é-je-ti. Ẽ lé pa ta-je kí maji al maji al dɔ-ji-ti; kin kàrè usi rɔ-é-ti al adi ngankɔ-ji-je kí njékadm̃ẽe kí

† 1:1 1:1 Knj 19:29; Rɔm 16:23; 1Kɔ 1:14

d'ow kàrè e mbati kuwə-dé ki rɔ-é-ti rəm, bá ngankɔ-ji-je kí ndigi kuwə-dé ki rɔ-dé-ti kàrè ɔgi-dé rəm, bá tubə-dé dan njékəwna-je-ti rəm.

¹¹ I kí m'ində-i dan kəm-m-ti, 'ndaji né ra kí maji al al, ngà né ra kí maji bá 'ndaji. Dow kí njèra né kí maji lé to dow lə Lubə, ngà dow kí njèra né kí maji al lé, gə Lubə al.

¹² Dow-je lay ya 'pa ta kí maji dɔ Démétriyusi-ti, ə ta kí tɔgrɔ-ti* kí ta-é-ti kàrè tɔji kí e to dow kí maji tɔ, bá je kàrè j'pa ta kí maji dɔ-é-ti ə i kàrè 'gə kí ta lə-ji to ta kí tɔgrɔ-ti.

¹³ Né-je n̄a tò kadi m'ndangi ta-é mbete-ti m'adi-i ya, ngà m'ndigi ndangi m̄eə mbete-ti al. ¹⁴ M'ində m̄eə-m-ti kí m'a kɔw rɔ-i-ti m̄eə ndɔ-je-ti kí à ree kin ə j'a pa-n̄a ta k̄i ta-ji j̄a-j̄a. ¹⁵ Kadi lapiya n̄ay sə-i! Nam-i-je 'ra-i lapiya ə i kàrè 'ra lapiya nam-ji-je k̄are-k̄are lay adi-ji tɔ.

* ^{1:12} ^{1:12} M̄eə mbete-ti kí 'ndangi kí ta gr̄eki lé 'panè to ta kí tɔgrɔ-ti bá pa ta kí maji dɔ Démétriyusi-ti.

Ta lə Lubə Kunmindī kǐ Sigi

Mango: Ta lə Lubə Kunmindī kǐ Sigi (New Testament)

copyright © 2020 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 13 Jun 2022

a2451d3b-54b4-50ec-847f-e964bc48641a